

Od sutra je predsjednik CIK BiH gđin Željko Bakalar

30.6.2020



Centralna izborna komisija BiH je na 31. sjednici održanoj 30.06.2020. godine provela proceduru izbora predsjednika Centralne izborne komisije BiH. Izbor je vršen iz reda hrvatskog naroda. Prije utvrđivanja liste kandidata za izbor predsjednika CIK BiH, izjasnio se gđin Vlado Rogić da ne želi biti kandidat za predsjednika CIK BiH, nakon čega je utvrđena lista kandidata za izbor predsjednika CIK BiH. Na glasačkom listiću bilo je ime samo jednog kandidata gđina Željka Bakalara.

Nakon sprovedene procedure, Centralna izborna komisija BiH je u skladu sa Poslovníkom o radu donijela odluku da će dužnost predsjednika CIK BiH od 01.07.2020. godine do 31.03.2022. godine obavljati gđin Željko Bakalar. Sjednici su prisutvovali svi članovi Centralne izborne komisije BiH.

U skladu sa članom 2.6 Izbornog zakona BiH „Predsjednik Centralne izborne komisije BiH bira se iz reda članova Centralne izborne komisije BiH. Po jedan član Centralne izborne komisije BiH iz reda Hrvata, Bošnjaka, Srba, i član iz reda ostalih obavljat će funkciju predsjednika Centralne izborne komisije BiH po principu rotacije i to jedanput u sedam godina u trajanju od 21 mjesec.“

Aktualna predsjednica CIK BiH gđa Vanja Bjelica-Prutina je na kraju sjednice informirala članove CIK BiH i javnost o aktivnostima CIK BiH za izvještajni period od 16.03.2020. do 30.06.2020. godine, u kojem je obavljala dužnost predsjednice CIK BiH.